

法苑珠林卷第三十八 敬塔之三

隸八

大唐上都西明寺沙門釋道世撰

故塔部第六

依像法決疑經云造新不如修故作福不如避禍斯言驗矣或有村坊塔寺損故伽藍堂殿朽壞舍屋崩摧席扇蓬戶靡隔煙塵甕牖

快方

茅茨無掩霜露是以門牆彫毀糞穢盈階路絕人蹤僧徒漂寄不修不飭日就裏羸造罪造憊無時暫捨夜暗燈燭本自無聞晝日幡華元來非見堂絕梵唄鑪停海岸遂使惡鬼効靈善神捨衛伽藍無固直爲僧徒慢惰佛法既衰亦由白衣無敬此而不憂更欲何求

又寶梁經云有一賢者面上有國王文相師見已嫁女與之後時賢者入僧寺中杖倚伽藍生嬌慢故失國王文墮大地獄又薩遮經云或嫌塔寺及諸形像妨礙送置餘處者如是惡人攝在惡逆衆生分中上品治之又十輪經云若破寺殺害比丘其人壽終支節皆

不當下佛像上故華五當旦過澡手自持淨巾還拭佛像復有五事一當先灑地二當使調三當待燥四不逆掃五不得逆風掃復有五事一不得去善土二當自手拾草三當取中土轉著下處四不得令四角掃處有迹五掃塔前六步使淨此勞事務故限約六步若事閑豫多掃亦善也

又正法念經云若有衆生淨心供養衆僧掃如來塔命終生意躁天身無骨肉亦無汗垢香氣能熏一百由旬其身淨潔猶如明鏡

又正法念經云若有衆生識於福田見有佛塔風雨所壞若僧房舍以福德心塗飾治補復教他人令治故塔命終生白身天其身鮮白入珊瑚林諸天女五欲自娛樂盡還退若生人中其身鮮白又雜寶藏經云若掃僧房一闇浮提地不如掃佛塔一手掌成論亦同

又撰集百緣經云掃地得五功德一自除心垢二除他垢三去憍慢四調伏心五增長功德得生善處又無垢清淨女問經云掃地得五功德一自心清淨他人見生淨心二爲他愛三天心歡喜四集端正業五命終生善道天中又沙弥威儀經云掃地有五法一不得

禁

未林三十八

二

方

背人二不得逆掃三當令淨四不得有迹五當即分却又增一經云掃佛塔有五法一水灑地二除去瓦石三平正其地四端意掃地五除去穢惡地既淨已隨能持一枝香華散布地上供養得福無量故華嚴偈云

散華莊嚴淨光明

莊嚴妙華以爲帳

散衆雜華遍十方

供養一切諸如來

又百緣經云昔佛在世時與諸比丘到恒河邊見一故塔毀落崩壞比丘問佛此是何塔朽故乃尔佛告比丘此賢劫中波羅柰國梵摩達王正法治化唯無子息禱祀諸神求索有子因不能得時王國中有一池水生一蓮

華其華臺中有一童子結跏趺坐有三十二相八十種好口出優鉢羅華香身諸毛孔出栴檀香王及妃后見甚歡喜即抱還宮養育漸大隨其行處蓮華承足因香立字名栴檀香後悟非常成辟支佛身昇虛空作十八變尋入涅槃王收舍利起塔供養是彼塔耳比丘問佛宿殖何福受斯果報佛告比丘乃往過去拘樓孫佛時有長者子甚好婬色見一婬女心生耽著無財可與遂至塔中盜華與之乃共夜宿曉即身體生其惡瘡痛不可言喚醫療治醫占云須牛頭栴檀用塗瘡上可得除愈時長者子即賣家宅得於金錢滿六十

三

未林三十八

三

方

萬尋用買香正得六兩擬用塗瘡心自思惟即語醫言我今所患乃是心病即持所買牛頭栴檀擣以爲末入其塔中發誓願言如來往昔修諸苦行誓度衆生隨其厄難我今此身隨一生數唯願世尊慈悲憐愍除我此患作是誓已用香塗塔以償華價至心供養求

哀懺悔瘞尋得差身諸毛孔有栴檀香聞此
香已歡喜禮拜發願而去緣是功德不墮惡
道天上人中常受快樂隨其行處蓮華承足
身諸毛孔恒有香氣是故智者當作是學又
小法滅盡經云後劫火起時曾作伽藍所不
爲火焚乃至金剛界爲土臺也 又菩薩本

行經云昔佛在世時告五百阿羅漢汝等各
說前世宿行所作功德今得值我得道因緣
時有阿羅漢名婆竭多梨即從座起白佛言
世尊我念過去無殃數劫有佛出世號曰定
光入涅槃後分布舍利起塔供養法欲末時
有一貧人無方自濟賣薪爲業向澤採薪遙

見澤中有一塔寺甚爲巍巍即到塔邊瞻覩
形像歡喜作禮唯見狐狼飛鳥走獸止宿之
處草木荆棘不淨滿中迥絕無人復無行跡
無供養者貧人覩見心用愴然而不曉知如
來神德但以歡喜誅伐草木掃除不淨掃訖
歡喜遶之八匝作禮而去緣此功德命終之

後生光音天衆寶宮殿光明晃爍於諸天中
巍巍竄勝不可計量盡其天壽而復百返作
轉輪王七寶自然王四天下後復壽盡常住
國王大姓長者家財富無量顏容端正殊妙
無雙人見歡喜無不愛敬欲行之時道路自
淨虛空之中雨散衆華婆竭多言昔貧人者

今我身是由昔掃塔生廾自然一阿僧祇九
十劫中不墮惡道天上人間富貴尊榮封受
自然快樂無極今廾後身值釋迦佛捨豪出
家得阿羅漢三明六通具八解脫若有人能
於佛法僧少作微善如毛髮許所生之處受
報吼大無有窮盡 又辭喻經說祇陀太子

朱林二十八
昔毗婆尸佛時布施一奴一婢給掃寺廟緣
此功德世世常得七寶宮宅門戶兩邊常有
自然金銀男女擎持寶鉢滿中七寶取無窮
盡夜中常有自然天兵五百餘騎衛護其舍
無敢近者輪王七寶者一金輪寶二白象寶
三紺馬寶四神珠寶五玉女寶六主藏臣寶

七主兵神寶 又雜寶藏經云昔舍衛國中有一長者造立塔寺後時命終生忉利天其婦晝夜追憶夫故愁憂苦惱以憶夫故常掃治夫所造塔寺夫下觀見即來婦所問訊安慰而語之言汝憶我故大憂愁耶婦即語言汝爲是誰天尋答言我是汝夫以作塔寺功德因緣得生天上見汝憶我修治塔寺故來汝所婦言近我夫即答言人身臭穢不復可近汝復欲得爲我妻者勤供佛僧修掃塔寺願生我天若得生天我必當還以汝爲妻婦用夫語作諸功德發願生天其後命終得生天上還爲夫婦夫婦相將來至佛所佛爲說法夫婦並得須陀洹果既得果已還歸天上又分別功德論云昔舍衛城中有夫婦二人而無子息夫婦精進信敬三寶時婦早亡由信敬故生忉利天以爲天女面首端正天中少比天女自念我極端正今此世間誰任我夫便以天眼觀見本夫今已出家年老暗短

朱林三十

五

古

專信而已常勤掃除塔廟爲業見其掃塔必應生天天女尋下光明照曜住其夫前比丘見已問其因緣天女答曰我是君婦今爲天女我觀天上無任我夫見君精進常勤掃塔必應生天若得生天願同一處還爲我夫是以故來陳其情狀白意已訖還歸天上時夫比丘見此事已從是以後倍加精進修補塔廟積功轉勝應生第四兜率天上天女憶夫復來語言君福轉勝應生兜率天我今不復得君爲夫語訖還去比丘聞已倍更精進遂獲得阿羅漢果三明六通具八解脫 又百緣經云佛在世時迦毗羅城中有一長者財寶無量其婦生一兒端正殊妙見者敬仰漸大見佛得阿羅漢果余時世尊告諸比丘乃往過去九十一劫有毗婆尸佛入涅槃後有王名槃頭末帝收取舍利造四寶塔而供養之其後小毀有童子入塔見此破處和顏悅色集喚衆人共塗治塔發願而去緣是功德

九十一劫不墮地獄畜生餓鬼天上人中受樂無極常爲天人所見敬仰乃至今值於我爲諸人所見敬仰出家得道聞佛所說歡喜奉行頌曰遺身八万塔寶飾高百丈儀鳳異靈鳥金盤代仙掌積拱承彫角高簷掛樹網寶地若池沙風鈴如積響刻削生千變丹青畫万像煙霞時出沒神仙乍來往晨霧半層生飛幡接雲上遊覘不敢息翔鷗詎能仰聖變無窮端感福豈三兩願假舟航末彼岸誰云廣感應緣略引二十一驗

西晉會稽鄧縣塔 東晉金陵長干塔

石趙青州東城塔 姚秦河東捕坂塔

周歧州歧山南塔 周爪州城東古塔

周沙州城內大乘寺塔 周洛州故都西塔

周涼州姑臧故塔 周甘州刪丹縣故塔

周晉州霍山南塔 齊代州城東古塔

隋益州福感寺塔 隋益州晉源縣塔

錄

朱朴三十八

六

廿

隋鄭州超化寺塔 隋懷州妙樂寺塔
隋并州淨明寺塔 隋并州榆杜縣塔
隋魏州臨黃縣塔 統明神州山川并海東塔
雜明西域所造之塔

右以前數內十九塔並是如來在日行化冥會以土麵施佛佛感其善心爲受塗壁乞食因遇童子戲弄沙土以爲米麵宿祐記此童子吾滅度後一百年滿作王出世号爲阿育作鐵輪王王闍浮提一切鬼神並皆臣屬且使空中地下四十里內所有鬼神開往前八塔所獲舍利役諸鬼神於一日一夜一億家施一塔廣計八万四千塔

具如上經故不備載今惟此神州即是東境故此漢地案諸典籍尋訪有十九塔並是育王所造八万四千之數也若更具引佛法東流已來道俗所造感通者則有百千且述育王十九塔內逐要感徵并同見聞者略述者二十一條餘之不盡者備如

廣傳也 初西晉會稽鄧縣塔寺今在越

州東三百七十里鄧縣界東去海四十里在縣東南七十里南去吳村二十五里 案前傳云晉太康二年有并州離石人劉薩何者生在田家弋獵爲業得病死蘇云見一胡僧語何曰汝罪重應入地獄吾憫汝無識且放朱林三十八

今洛下齊城丹陽會稽並有古塔及浮江石像悉阿育王所造可勤求禮懺得免此苦既醒之後改革前習出家學道更名慧達如言南行至會稽海畔山澤處處求覓莫識基緒達悲塞煩冤投造無地忽於中夜聞土下鍾聲即遷記其處刺木爲刹三日間忽有寶塔及舍利從地踊出靈塔相狀青色似石而非石高一尺四寸方七寸五層露槃似西域于闐所造面開窓子四周天全中懸銅磬每有鍾聲疑此磬也遙塔身上並是諸佛菩薩金剛聖僧雜類等像狀極微細瞬目注睛乃有百千像現面目手足咸具備焉斯可謂神功

聖迹非人智所及也今在大木塔內於八王曰舉巡邑里見者莫不下拜念佛生善齋戒終身其舍利者在本塔底其塔左側多有古迹 塔側諸暨縣越舊都之地也以句章鄞鄧剡等四縣爲之諸暨東北一百七里大部鄉有古越城周廻三里地記云越之中葉在此爲都驪宮別館遺基尚在悉生豫樟多在門階之側行位相當森竦可愛風雨晦朔猶聞鍾磬之聲百姓至今多懷肅敬其迹繁矣輿志云阿育釋迦弟子能役鬼神一日夜於天下造佛骨寶塔八万四千皆從地出案晉沙門竺慧達云東方兩塔一在於此一在彭城今秣陵長干又是其一則有三矣今以經驗億家造一塔計此東夏理多不疑且見楊越即有二塔廣統九域故有隱之 會稽記云東晉丞相王導云初過江時有道人神來不允言從海來相造昔與育王共遊鄧縣下真舍利起塔鎮之育王與諸真人捧塔飛行

虛空入海諸弟子攀別一時俱墮化爲烏石
石猶人形其塔在鐵圍山也太守褚府君云
海行者述島上有聚烏石作道人形頗有衣
服褚今鑿取將視之石文悉如袈裟之狀
朱林三十八梁普通三年重其古迹建木浮圖堂殿房
廊周環備滿號阿育王寺四面山繞林竹葱

朱林三十八翠華卉間發飛走相娛實閑放者之佳地也
有碑頌之著作郎顧胤祖文寺東南三里
山上有佛右足跡寺東北三里山頭有佛左
足跡二所現于石上莫測其先寺北二里有
聖井其實深池中有鰻鱉魚俗号爲魚菩薩
也人至井所禮拜魚隨聲出至隋末賊過僞
禮魚現賊便以刀斫之因斷魚尾自余潛隱
雖喚不出時有至心邀請禮拜者但潰水而
已初有一僧聞塔來禮廁所荒涼將食爲難有
老姥患脚來爲造食便去日日如是惟之去
後私尋乃入池內校量即是池魚所化也其
塔靈異往往不一大略爲瑞多現聖僧遶塔

行道每夕然燈於光影中現形在壁旋轉而
行且列數條多則詞費至唐貞觀十九年
敏法師者寓廈道勝歷覽聖迹依然動神領
徒數百來寺一月敷講經論士俗咸會夜中
有人見胡僧百餘繞塔行道以事告衆寺僧
曰此事常有不足可恠自古至今四大良日
遠近來寺建齋樹福然於夜中每見胡僧行
道誦經贊唄等相唐永徽元年會稽處士
張太玄於寺禮誦沙門智悅獨與太玄連牀
而寢半夜聞誦金剛般若了了分明二人靜
聽形心欣泰乃至誦訖殺契其相若真尋視
無形明知神授也西京城內東西曲池日

朱林三十八嚴寺寺即隋煬帝造昔在晉蕃作鎮淮海京
寺有塔未安舍利乃發長干寺塔下取之入
京埋於日嚴寺塔下施銘於上于時江南大
德五十餘人咸言京師塔下舍利非是育王
造塔舍利育王舍利乃在長干本寺道俗懷
疑不測是非至武德七年日嚴寺廢僧徒散

配其舍利塔無人守護時有道宣律師門徒十人配住西市南長壽坊崇義寺乃發掘塔下得舍利三枚白色光明大如黍米并爪一枚少有黃色并白髮數十餘有雜寶琉璃古器等物以大銅函盛之檢無螺髮又疑爪黃而小如人者尋佛倍人爪赤銅色今則不余乃將至崇義寺佛堂西南塔下依舊以大石函盛之本銘覆上埋于地府南僧咸曰此爪疑至梁武帝時已有疑焉據事以量則長干佛骨頗移於帝里矣然江南古塔猶有神異崇義所流蓋篋如也故兩述之但年歲綿遠後人莫測其源故別流記余 西京西扶風

邑内外奔赴塔所日有數万舍利高出見者不同或見如玉白光映徹内外或見綠色或見佛形像或見菩薩聖僧或見赤光或見五色雜光或有全不見者問其本末爲一生已來多造重罪有善友人教使徹到懺悔或有燒頭煉指刺血灑地殷重至誠遂得見之種

錄

朱林二十八

十

方

故縣在岐山南古塔在平原上南下北高鄉曰鳳泉周魏以前寺名阿育王僧徒五百及周滅佛法廟宇破壞唯有兩堂至大業末年四方賊起百姓共築此城以防外寇唐初雜住失火焚之一切都盡二堂餘燼焦黑尚存至貞觀五年岐州刺史張亮素有信向來寺

禮拜但見故塔基曾無上覆奏 勅請望雲宮殿以蓋塔基下 詔許之古老傳云此塔一閑經四十年一出示人令道俗生善恐開聚衆不敢私開奏 勅許開深一丈餘獲二古碑並周魏之所樹也旣出舍利遍視道俗有一盲人積年目冥努眼直視忽然明淨京

請有瑞乃可開發即給錢五千貫綸五千疋以充供養琮與給使王長信等十月五日從京旦發六日逼夜方到琮即入塔內專精苦到行道久之未驗至十日三更乃辟上安炭火燒香懷厲專注曾無異想忽聞塔內像下振梨之聲尋聲往觀乃見瑞光流溢霏霏上涌塔內三像足下各放光明赤白綠色旋遶而上至於衡角合成帳蓋琮大喜踊躍欲召僧看乃覩塔內側塞僧徒合掌而立謂是同寺湏臾旣久光蓋漸歇舟舟而下去地三尺不見群僧方知聖隱勑使王長信等同覩瑞相流輝遍滿赫奕瀾漫若有旋轉久方沒盡及旦看之獲舍利一枚殊大於粒光明鮮潔更細尋視又獲七粒揔置盤木一枚獨轉遶餘七粒各放光明炫耀人目琮等以所感瑞具狀上聞勑使常侍王君德等送綸三千疋令造朕等身阿育王像餘者修補故塔仍以像在塔內可即開發出佛舍利以流福

卷三十八

十一

古

慧又勑僧智琮慧辯鴻臚給名住會昌寺初開舍利二十餘人同共下鑿及獲舍利諸人並見唯一后不見其人懊惱自拔頭髮苦心邀請乃置舍利於掌雖覺其重不見如初由是諸人恐不見骨不敢觀光寺東雲龍坊人勑使未至前數日望寺塔上有赤色光周照遠近或見如虹直上至天或見光照寺城丹赤如晝旦具以聞寺僧歎訝曰舍利不久應開此瑞如貞觀不異其舍利形狀如上指初骨長可二寸內孔正方外楞亦余下平上漸內外光淨以指內孔恰得受指便得勝戴以示大眾至於光相變現不可常准于時京邑內外道俗連接二百里間往來相續皆稱佛德一代光華京師慈恩寺僧惠滿在塔行道忽見綺井覆海下一雙眼精光明珠大通召道俗同視亦皆憚然喪膽更不敢重視至顯慶五年春三月下勑請舍利往東都入內供養時西域又獻佛東頂骨至京師

人或見者高五寸闊四寸許黃紫色又追京
師僧七人往東都入內行道 勅以舍利及
頂骨出示行道僧曰此佛真身僧等可頂戴
供養經一宿還收入內 皇后捨所寢衣帳
准價千疋綃爲舍利造金棺銀柳彫鏤窮奇
以龍朔二年送還本塔至二月十五日京師
諸僧與塔寺僧及宮人等無數千人共下舍
利于石室掩之俟三十年後非余所知至後
開瑞龕補茲處 歙州歙山縣華陽鄉王莊
村有人姓馮名玄嗣先來廬犧殊不信敬母
兄承舍利從東都來將欲藏掩嗣不許徃母
兄不用其語至舍利所禮拜還家玄嗣怒曰
此有何驗而徃禮之若舍利有功德者我家
中佛像亦有功德即取佛像燒之竟有何驗
母兄救之已燒下半玄嗣忽倒不覺暴死經
三日始活說云忽到一處似是地獄有大鳥
飛來喙精噉舌入大火坑燒烙困苦覺身癢
悶以手摩面眉髮隨落目看大地全無精光

朱林三十八

瓦

十二

親屬傍看皆知罪驗諸人語曰汝自造罪無
可代者玄嗣神識不與人同但曰火燒我心
以取道士之語教吾不信謗佛之罪今殃著
身東西馳走又被杖怕懼號哭但惟叩頭
彈指懺悔乞命乞命而晝夜號走不曾暫住
至二月十三日親屬哀愍請僧懺悔乞願造
像又將至塔所于時京邑大德極多時行虔
法師爲衆說法裴尚宮比丘尼等數百俗人
士女向有万人咸見玄嗣五體投地對舍利
前號哭自撲至誠懺悔不信之罪又懺犯尼
淨行打罵衆僧益食僧果自懺已後照夢稍
安大患仍自不差未經一年方死其佛頂骨
用珍寶贖之計直四千疋綃遂依其數以蕃
練酬之頂骨今見在內供養即是螺髻束髮
小頂骨然大項骨猶未至此益州郭下福感
寺塔者在州郭下城西本名大石相傳云是
鬼神奉育王教西山取大石爲塔基舍利在
其中故名大石也隋蜀王秀作鍍井終聞之

令人掘鑿全是一石尋縫至泉不見其際風雨暴至有人於石傍鑿取一片將出乃是鑿王問於識寶商云此是真鑿玉世中希有隋初有詭律師見此古迹於上起九級木浮圖今見在焉 益州旱澇官人祈雨必於此塔

朱林三十八
十三

方

祈即有應特奇感徵故名福感寺近有人盜

鈴將下三級有神擎櫨斗起以壓賊脰內中其人被壓唱呼寺爲射斗起方得脫出至永徽元年有王顏子者漂掠有名夜上相輪取博山將下至底級兩柱忽夾之求出不得漸急困見有胡僧曰可大唱賊不余死矣即唱數聲寺僧聞救方得拔出至貞觀年初大地振動此塔搖颺將欲摧倒于時郭下無數人來忽見四神形如塔量各以背拄塔之四面乍倚乍傾率以免壞觀瑞道俗歎未曾有塔上露盤猶來小短不稱塔形有一人極豪侈多產業見前靈瑞乃捨金三百兩共諸信者更造露盤既成併下至覆盆香氣蓬勃如

雲騰涌流芳城邑七日乃歇 益州晉源塔者在州西南一百餘里今号爲等泉寺本名大石其基本緣略亦同前尋諸古塔其相不同豈非當部鬼神情有所樂寨蜀三塔同一石蓋餘不定准也 州北百里雒縣塔者在縣城北郭下寶興寺中本名石基相亦同前隋初有天竺僧曇摩掘义遠至東夏禮育王塔承蜀三塔又往禮拜至雒縣大石寺塔所敬事已訖欲往成都宿兩女驛將且聞左右行動聲又曰是何人耶妾相恐動空中應曰有十二神王從本國來所在之處擁護法師明日當見成都塔今欲西還與師別耳又曰既能遠送何不見形神即見形义爲人善盡便一一邀之旣遍形隱及至成都禮大石塔訖詭律師乃依函刻木爲十二神像粧飾在於塔下今猶見在 益州郭下法成寺有沙門道卓是名僧也 大業初雒縣寺無人修葺纔有下基卓乃率化四部造木浮圖粧飾備矣

塔爲龍護居在西南角井中時有相現側有三池莫知深淺三龍居之人莫臨視貞觀十三年三龍大鬪雷霆振擊水火交飛久之乃靜塔如本住人皆拾得龍毛長三尺許黃赤可愛

鄭州超化寺塔者在州西南百餘里密縣界在縣東南十五里塔在寺東南角其北

十四

方

連寺方十五步許其寺塔基在淖泥之上西面有五六泉南面亦有皆孔方三尺騰涌沸出流溢成川泉上皆下安柏柱鋪在泥水上以炭沙石灰次而重填最上以大方石可如八尺牀編次鋪之四面細腰長一尺五寸深五寸生鐵固之近有人試發一石下有石灰乃至百圍便抽一圍長三丈徑四尺現在自非輪王表塔神功所爲何能辨此基構終古不見其儕也今於上架塔二重塔南大泉涌沸鼓怒絕無水聲豈非神化所致也有幽州僧道嚴者姓李氏形極奇偉本入隋煬四道場後從俗服今年一百五歲獨住深山每

年七日來此塔上盡力供養嚴惟其泉流涌注無聲乃遣善水崑崙入泉尋討但見石柱羅列不測其際中有寶塔可高三尺獨立空中四面水圍凝然而住竟不至塔所考其原始莫測其由時俗所傳育王所立隋祖已來寺塔現在懷州妙樂寺塔者在州東武陟縣西七里妙樂寺中見有五級白浮屠塔方可十五步並是側石編砌石長五尺闊三寸以下鱗次葺之極細密道俗自見咸驚訝其神鬼所造其下不測其底古老相傳塔從地涌出下有大水莫委真虛有刺史疑僧濫飾乃使人傍基掘下至泉源猶不見其際

錄

朱批

五

魏州臨黃塔者在縣西三十里本名舍利寺今爲尼住其塔見在三邊有水惟西開路基構編石從水底上蓮華弥滿於三面其水際深人皆怯入傳云舍利塔在其水內空中如鄭州者今改爲冀州大都督府齊州臨濟縣東有甄塔云是誌公所營四面石獸擁從

方

驚人周滅法時令人百千用力挖出終不可脫亦無有損今現在 益州城南空慧寺內金藏有穴在寺近有道士素知有藏來就守寺神乞神令入穴取得二斗金粟依言即入唯見地下金甕行行相對莫測其邊寺僧通知無敢侵者 坊州玉華宮寺南二十里許

大高嶺俗号檀臺山上有古塔基甚宏壯面方四十三尺上有一層輒身四面開戶石門高七尺餘廣五尺餘傍有破壙無數古老傳云昔周文王於此遊獵見有沙門執錫持鉢山頭立住喚下不來王遣往捉將至不見遠看仍在乃勑掘所立處深三丈獲得鉢杖而已王重之爲聖故爲起剎塔一十三級左側村墟常聞鐘聲至龍朔元年京師大慈恩寺沙門慧貴法師聞之便往又聞鐘聲慷慨古迹將事修理恨無泉水懷惑猶豫貴又感祥云護塔善神曰可即經始不勞疑慮又感異僧曰我是南方淨土菩薩行化至此云是塔

自古至今已經四造勿辭勞倦功用必成唯湏牢作不事華侈三層便止貴聞此告親事經勞塔側古窯三十餘所猶有熟輒填滿更尋塔南川中乃是古寺背山面水一期幽栖之勝地也自未修前鍾聲時至恰今營構依時發聲三下長打如今集僧上堂方法

龍朔三年掘得古銘云周保定年塔崩塔初成時南望見渭又云置塔經四百餘年崩計周保定至開皇元年得二十年開皇至龍朔初得八十一年又計銘記四百年後始崩則塔是後漢時所造後周無濫文者前周大遙未知古老所傳周文是何帝代但知塔輒巨

朱批

十六

方

方終非下俗所立耳 江州廬山有三石梁長數十丈廣不及尺下望無底晉咸康年中庾亮爲江州登山過梁見老公殊偉夏屋崇凌玉堂眩目奇塔崇竦莫測是何脩遠久之終非人宅乃拜謝而返 唐貞觀二十一年荊州大興國寺塔西南柱無故有聲人往看

之乃見有金銅佛頭出如是日日漸出經三
丈方盡長六寸許是立佛道俗咸異之

高麗達東城傍塔者古老傳云往昔高麗聖
王出現案行國界次至此城見五色雲覆地
即往雲中有僧執錫住立既至便滅遠看還
見傍有土塔三重上如覆金不知是何更往
覓僧唯有荒草掘深一丈得杖并履又掘得
銘上有梵書侍臣識之云是佛塔王委曲問
答曰漢國有之彼名蒲圖王因生信起木塔
七重後佛始至具知始末今更增高卒塔朽
壞斯則育王所統一闍浮洲處處立塔不足
可恠 倭國在此洲外大海中距會稽萬餘
里隋大業初彼國官人會丞來此學問內外
博知至唐貞觀五年共本國道俗七人方還
倭國未去之時京內大德每問彼國佛法之
事因問阿育王依經所說佛入涅槃一百年
後出世取佛八國舍利使諸鬼神一億家爲
一佛塔造八万四千塔遍闍浮洲彼國佛法

朱三八
錄

十七

方

晚至未知已前有阿育王塔不會丞答曰彼
國文字不說無所承據然驗其靈迹則有所
歸故彼土人開發土地往往得古塔靈盤佛
諸儀相數放神光種種奇瑞詳此嘉應故知
先有也西域志云罽賓國廣崇佛教其都城
內有寺名漢寺昔日漢使向彼因立浮屠以
石構成高百尺道俗虔異於殊常寺中有
佛頂骨亦有佛髮色青螺文以七寶裝之盛
以金匣王都城西北有王寺寺內有釋迦菩
薩幼年齒齒長一寸次其西南有王梵寺寺
有金銅浮屠高百尺其浮屠中有舍利骨每
以六齋日夜放光明照燭遼承靈盤至其達
曙 西域志云波斯匿王都城東百里大海
邊有大塔塔中有小塔高一丈二尺裝衆寶
飾之夜中每有光曜如大火聚云佛般泥洹
五百歲後龍樹菩薩入大海化龍王龍王以
此寶塔奉獻龍樹受已將施此國王便
起大塔以覆其上自昔以來有人求願者皆

叩頭燒香獻華蓋其華蓋從地自起徘徊漸上當塔直上乃止空中經一宿變滅不知所在西域志云龍樹菩薩於波羅柰國造塔七百所自餘凡聖造者無量直於禪連河上建塔十有餘所五年一設無遮大會 西域乾陁羅城東南七里有雀離浮屠推其本緣乃是如來在世之時與諸弟子遊化此土指城東曰我入涅槃後二百年有國王名迦尼色迦在此處起浮屠佛入涅槃後二百年有國王字迦尼色迦出遊城東見四童子墮牛糞爲塔可高三尺俄然即失矣王恠此童子即作塔籠之糞塔漸高挺出於外去地四百尺然後始定王更廣塔基三百餘步從地構木始得齊等上有鐵棖高三百尺金盤十三重合去地七百尺施功既訖糞塔如初在大塔南三百步時有婆羅門不信是糞以手探之遂作一孔年歲雖久糞猶不爛以香泥填孔不可充滿今有天宮籠蓋之雀離浮屠自作

方

錄

朱三十六

十八

方

已來三爲天火所灾國王修之還復如本父老云此浮屠天火七燒佛法當滅塔內佛事悉是金五千變万化難得而稱旭日始開則金盤晃朗微風暫發則寶鐸鏗鏘西域浮屠最爲第一 雀離浮屠南五十步有一石塔其形正直舉高二丈甚有神變能與世人表作吉凶之徵以指觸之若吉者金鈴鳴應若凶者假令人搖亦不肯鳴宣律師住持感應傳云律師問四天王世尊舍利闍維始了舍利灰石當置幾塔天人龍鬼各得分不答曰人得八分天得三分龍得十二分灰石分六分鬼神得二分修羅得三分力士得分汝等天人龍神慎勿起諱此是世尊教 又問世尊僧伽梨當置何處鉢盂錫杖復置何處答曰世尊僧伽梨付囑堅疾天令善護持鉢錫杖付囑頻伽天隨在供養世尊僧伽梨先遣在祇桓十二年中住鉢盂在鷲頭山十五年中住錫杖在龍泉四十年中住 又問伽梨

鉢杖等何故歷年住耶答曰佛告我言初度比丘尼損我正法又爲末世多惡比丘貯畜不淨物不受持三衣毀滅正法故令僧伽梨等六年住僧戒壇六年住尼戒壇令正法久住 又問何故伽梨分爲二處住耶答曰亦爲末世惡比丘比丘尼等不受持衣多犯禁

錄

卷三十一

十九

古

戒無有威德是故世尊令將僧伽梨六年住戒壇令招感德天人龍神敬佛意故不嫌比丘比丘尼伽梨六年住戒壇亦爲惡尼令修行八敬供養比丘勿起媿意修持淨行令諸鬼神敬順佛意日夜六時來至伽藍擁護尼衆故住六年 又問何故佛鉢在靈鷲山十五年住答曰世尊涅槃前在鷲山精舍分析白毫光明以爲一千分留一分光施末法弟子若持戒若破形乃至天龍鬼神等於如來法中能作一念善者皆施此光明世尊初成道時四天王奉佛石鉢唯世尊得用餘人不能持用如來滅度後安鷲山與白毫光共爲

利益於末法中當隨佛鉢於他方國施比丘食及以天龍等衆隨順佛意縱造非法終不見過 又問何故十五年在鷲頭精舍答曰初住五年者欲表諸比丘令觀五陰得證三昧十年欲令解了諸法得百法門自此隨緣流行諸國乃至法滅也 又問何故錫杖在於龍窟中四十年住耶答曰爲護諸外道及伏煩惱惡龍破諸結使開悟大乘四諦法輪如來去世後四十年中有飛行羅刹能說毗尼藏及十二部經詐爲善比丘食諸持戒者日別四百爲斷此惡故鎮龍窟復令正法增住四百年後今像法增住千五百年復令末法增住二萬年 尔時大梵天王來至世尊所白佛言如來初踰城至洴沙王國問樹神道樹神請佛至宮已白佛言我受此神身經二十大劫過去諸佛皆來至此我此宮中過去諸佛四牙一千四塔我今請佛昔爲童子時齒牙四枚請佛垂慈賜我四牙欲造塔

供養佛即許之即告阿難汝往父王所從彼典藏臣取我四牙阿難依命即取佛告樹神今留一牙與汝供養汝可造塔并寫我經教我令四弟子在塔入滅盡定守我牙塔尔時樹神即將七寶來至世尊所以神力故於一念頃即成四塔高五十由旬又造真珠樓觀及

卷三十八

未

千

方

以白銀臺於此四塔內各造臺觀具八万四千即造臺塔已待我涅槃後迦葉結集竟當寫我教令大毗尼藏安彼塔中我留此塔汝好護持勿令損壞至我涅槃時勑語文殊我於三大劫修無量苦行今得四牙已造塔安竟令後末世法欲滅時令住利益正法興顯

足二十甲猶如赤銅色佛告大衆汝等天人龍神等可將我爪甲當細熟視恐未來世中諸魔及外道別將相似物換我真甲汝若疑非者當以金剛鎚鉛以甲置鐵鉛上以鎚打擊無片損者乃真我甲若以火燒煉變為金色出五色光上照有頂見此相者是我真爪甲也佛告文殊師利及四天王等從此末法後多諸惡比丘滿闍浮提無有威德無有智慧至千四百年後汝將我十爪塔遊歷四天下一國住經七日如是周歷已當至香山頂阿耨達池中金砂洲上住至千五百歲我此大千界八百億國教初流行彼汝文殊師利

卷三十九

未

二十一

月

分身變為國王金剛齊菩薩分身為大臣金剛幢菩薩分身為比丘汝等三大士共流通我教幸不生疲勞懈怠也又問漢地塔寺古迹云何答曰今諸處塔寺多是古佛遺教基育王表之福地不可輕也今有名塔如常所聞無名藏者隨處亦有如河西甘州郭中

寺塔下有古佛舍利及河州靈巖寺佛殿下亦有舍利。秦州麥積崖佛殿下舍利山神藏之。此寺周穆王所造，名曰靈安寺。經四十一年，當有人出荊州長寧寺塔是育王所造，下有舍利入地一丈餘石函，五重盛碎身骨。益州三塔大石_{今福}_名武誓_靜_亂駱縣等並有神異如別傳說。有羅漢將往鐵圍山留小塔，其塔大有善神，旦現二魚井中，鰻鱉魚護塔神也。其側有足跡石上者云是前三佛蹈處也。昔周時此土大有人住，故置此塔。又問若余周穆已後諸王建置塔時，何爲此土文記罕現耶？答曰：立塔爲於前緣，多是神靈所造。人有見者少，故文字少。傳楊雄劉向尋於藏書，往往見有佛經，豈非秦前已有也？今衡岳南可六百里，在永州北，有大川東西五百餘里，南北百餘里。川中昔人住數十万家，今生諸臣樹大者徑二三丈，下無草木，深林可愛。中有大江東流入湘江，尋澗覓之即得川。

南有谷，北出入谷，有方池四方砌石，水深龍居有犯者輒雷震山谷，左側多有山果，橘柚楊梅之屬，列植相次。池南有育王大塔，石華捧之上，以石籠覆與地平。塔東崖上具有碑篆書可識，登梯抄取，足知立塔之由也。衡山南大明師置寺處亦有古塔，其寺南北十餘里七處八會流渠，靜院處處皆立。

又問諸神自在威力殊大，至如蜀三塔，咸名大石人，有掘者莫測其原。至如秦川武功一塔，古老相傳，名曰育王。三十年中一度出現至貞觀已來，已兩度出難光瑞，殊壯而舍利如指骨在石臼中，如何陋陋？若此，答曰：諸鬼_古_{三十二}神中貧富不定，各是往業，如人不殊天中，亦余隨其所有而用供養此塔。_{自下云云}

鼓山竹林寺名何代所出耶？答曰：是迦葉佛時造，周穆王於中更重造寺。穆王佛殿，并及素像，至今現存。山神從佛請五百羅漢住此寺中，即今現有二千聖僧。遙寺左側現有五

万五通神仙供養此寺僧除事云如前伽藍驗說

法苑珠林卷第三十八

隸八

法苑珠林卷第三十九

隸九

大唐上都西明寺沙門釋道世撰

伽藍篇第三十六此有三部

述意部 营造部 致敬部

述意部第一

原夫伽藍者昔布金西域肇樹福基締構東

川終祈淨業所以寶塔蘊其光明精舍圖其形像徧滿三千之界住持一萬之年建苦海之舟航爲信根之枝幹覩則發心見便忘返益福生善稱爲伽藍也但惟年代日遠法教衰替寺像雖立敬福罕儔或真或僞改換隨情或精或廉乃同蕃土遂令目覩其迹莫識

厥旨日用其事不知所由是以行道之衆心無所安流俗之徒於法無敬輕慢於是乎生陵蹈於是乎起欲以此護法不亦難哉者乎是以古德寺詰乃有多名或名道場即無生廷也或名爲寺即公廷也或名淨住舍或名法同舍或名出世間舍或名精舍或名清淨無極園或名金剛淨刹或名寂滅道場或名遠離惡處或名親近善處並隨義立各有所表今道俗難居豈得稱名也

營造部第二

依宣律師祇桓寺感通記云經律大明祇桓寺之基趾多云八十頃地一百二十院准約東西近有十里南北七百餘步祇陀湏達二人共造成之已後經二百年被燒都盡則當此土周姬第十三王平王之三十一年祇陀太子初雖不許賣後見布金欣然奉施即告太子初雖不許賣後見布金欣然奉施即告長者吾自造寺不假於卿湏達不許因此共造太子立願後若荒廢願樹還生恰至被燒